



SONRÚCHÁN POIST

Riarthóir Tionscadal,
Gaois, Fiontar & Scoil na Gaeilge
Dámh na nDaonnachtaí agus na nEolaíochtaí Sóisialta
Gairmí 5 (P5)
Conradh 3 bliana, lán-aimseartha

Ollscoil Chathair Bhaile Átha Cliath

Ollscoil óg, uaillmhianach, bhríomhar is ea Ollscoil Chathair Bhaile Átha Cliath (www.dcu.ie) a bhfuil de mhisean aici ‘an saol agus an tsochaí a chlaochlú tríd an oideachas, taighde, nuálaíocht agus rannpháirtíocht’. Is fearr eolas uirthi in Éirinn mar ‘Ollscoil na Fiontraíochta agus an Chlaochlaithe’, agus tá sí tiomanta do chothú na tallainne, mar aon le haimsiú agus aistriú an eolais chun leas na sochaí agus an gheilleagair a chur chun cinn. D’ainmnigh *The Sunday Times* DCU mar Ollscoil Éireannach na Blíana in 2021.

Tá an Ollscoil ionnaithe ar thrí champas acadúla i gceantar Ghlas Naón agus Droim Conrach i dtuaisceart Bhaile Átha Cliath. Tá breis agus 18,000 mac léinn cláraithe sna cúig Dhámh inti – Eolaíocht agus Sláinte, Scoil Ghnó DCU, Ríomhairesacht agus Innealtóireacht, Daonnachtaí agus Eolaíochtaí Sóisialta, agus Institiúid Oideachais DCU. Tá DCU tiomanta don fheabhas ina cuid gníomhaíochtaí uile. Léirítéar sin trí na tionscnamh thaighde ardscortha, a cur chuige ceannródaíoch um theagasc agus foghlaim, an bhéim a leagtar ar eispéireas cloachlaiteach a chruthú dá cuid mac léinn, agus a deathionchar sóisialta agus eacnamaíoch. De thairbhe thiomantas sin na foirne acadúla agus na mac léinn, rangáitear DCU i measc an 2% is fearr d’ollscoileanna an domhain. Luaitear go rialta í i measc an 100 Ollscoil Óg ar domhan (sa *QS Top 70 Under 50* agus *Times Higher Top 150 Under 100* faoi láthair).

Sa *Times Higher Education University Impact Rankings*, rangáitear DCU san 84ú háit ar domhan – rangú ina meastar an chaoi a gcuireann institiúidí ardoideachais le Cuspóirí na Náisiún Aontaithe um Fhorbairt Inbhuanaithe. Le deich mbliana anuas, tá DCU ar thús cadhnaíochta i measc ollscoileanna na hÉireann i réimse aistriú na teicneolaíochta, i bhfianaise cheadúnú na maoine intleachtúla.

Forléargas: Gaois, Fiontar & Scoil na Gaeilge

Is grúpa taighde é Gaois a bhfuil léachtóirí, taighdeoirí agus mic léinn iarchéime páirteach ann. Tá sé de mhisean ag Gaois acmhainní iontaofa nuálaíocha a fhorbairt chun teanga agus saíocht na Gaeilge a chothú agus a chlaochlú. Tá eolas faoi na tionscadail éagsúla atá faoi chúram Gaois le fáil ag www.gaois.ie.

Cúrla agus Próifíl an Róil

Is deis iontach é seo a bheith páirteach i craith tionscadal taighde a bhfuil sé de sprioc acu acmhainní digiteacha den chéad scoth a fhorbairt do lucht labhartha na Gaeilge. Beidh an té a cheapfar ina bhall de mheitheal idirdhisciplíneach a phléann le gnéithe den téarmeolaíocht, den teangeolaíocht

chorpais, den logainmníocht, den bheathaisnéisíocht agus den bhéaloideas, i measc réimsí eile. Oibreoidh an riarthóir tionscadal go dlúth le baill fairne Gaois agus lena chuid páirtnéirí taighde chun spriocanna na dtionscadal atá á reáchtáil acu a bhaint amach. Beidh an riarthóir tionscadal freagrach do Phríomh-Imscrúdaitheoirí na dtionscadal éagsúil agus do Cheann Scoile Fiontar & Scoil na Gaeilge. Beidh an post lonnaithe ar Champas na Naomh Uile, Ollscoil Chathair Bhaile Átha Cliath.

Dualgais agus Freagrachtaí

Buiséid agus Maoiniú:

- Pleanáil, comhordú agus bainistiú buiséad do gach tionscadal lena n-áirítear fochostais PhD agus cothabháil cistí eile.
- Comhordú agus próiseáil POs/SOs ar Agresso.
- Foireann taighde a shannú d'fhochostais chuí.
- Dul i gcomhairle le hAirgeadas agus Párola, de réir mar is gó, maidir le ceapacháin úra/éirí as oifig, neamhréitigh nó ceist ar bith ag eascairt as ceapacháin aonair fairne.
- Príomh-Imscrúdaitheoirí/an Ceann Scoile a chur ar an eolas i leith téarmaí nua conartha (luachanna agus fad) agus an próiseas athnuachana a bhainistiú.

Soláthar fairne/conarthaí:

- Fógraí a ullmhú do na Príomh-Imscrúdaitheoirí/an Ceann Scoile.
- Monatóireacht a dhéanamh ar sholáthar fairne agus dátaí éagtha conarthaí le róchaiteachas ar bhuiséid a sheachaint.
- Na Príomh-Imscrúdaitheoirí a chur ar an eolas nuair atá conarthaí fairne ag teacht chun deiridh nó le hathnuachan sa dóigh is go ndéanfar cinntí agus go gcuirfear foireann ar an eolas faoina leithéid go tráthúil.
- Comhairle a chur ar na Príomh-Imscrúdaitheoirí maidir le líon/grád/tuarastal/fad aon phost nua atá le fógaire i gcomhthéacs an mhaoinithe atá ar fáil.
- Dul i gomhairle le HR maidir le folúntais nua atá le fógaire.
- Comhordú a dhéanamh ar shaoire bhliantúil na fairne taighde.
- Bheith mar chéad phointe teagmhála nuair atá ceisteanna ag an bhfoireann taighde maidir le gnéithe ginearálta dá bpost (e.g. fiosruithe i leith saoire bliantúla etc.).

Riarachán ginearálta:

- Comhordú agus dáileadh ábhair poiblíochta ar son fhoireann na dtionscadal.
- Athbhreithniú rialta a dhéanamh ar chruinneas an eolais atá ar shuíomhanna idirlín na dtionscadal éagsúil.
- Plé le fiosrúcháin ón bpobal i leith obair na dtionscadal éagsúil agus na fiosrúcháin sin a chur ar aghaidh go dtí an saineolaí cuí de réir mar is gó.
- Ábhar margáiochta a eagrú do chomhdhálacha, ócáidí scaipthe eolais, seoltaí agus imeachtaí eile dá leithéid.
- Cruinnithe a eagrú, clár a ullmhú, ionad a chur in áirithe mar aon le socruithe lónadóireachta a dhéanamh.
- Comhordú ar fheachtas Google Analytics agus Google Adwords d'fhoinn obair na dtionscadal éagsúil a phoibliú.
- Tuairiscí leordhóthanacha tráthrialta a ullmhú do na Príomh-Imscrúdaitheoirí/don Ceann Scoile).

Riachtanais an Iarrthóra

Chomh maith leis [na critéir seirbhise inmheánach](#), beidh na cálíochtaí seo a leanas ag an iarrthóir idéalach:

- Céim ollscoile i réimse cuí.
- Trí bliana de thaithí ábhartha
- Gaeilge líofa agus ardchaighdeán cruinnis sa Ghaeilge scríofa
- Scileanna cumarsáide agus idirphearsanta den chéad scoth
- A bheith dea-eagraithe agus in ann feidhmiú as a stuaim féin
- A bheith solúbtha agus ábalta déileáil le dálaí éagsúla an roil
- A bheith ar a c(h)umas caidreamh láidir oibre a chothabháil lena c(h)omhghleacaithe

Oiliúint Éigeantach

Ní mór don sealbhóir poist an oiliúint chomhlíonta éigeantach seo a leanas a chur i gcrích: londuchtú, Sláinte & Sábháilteach agus Cosaint Sonraí (GDPR). Féadfaidh gur gá tabhairt faoi oiliúint eile nuair is cuí.